

POKAIBA THAJ OPPOSTIBA



Лекција 10 за 6 јуни 2026 година

„Ako ispovedinaja
amare grevija, O
Devel tano verno
thaj pravedno za
da te oprostinel o
grevija thaj te
ocistinel amen
tari sekoja
nepravda.“

1 Jovanova 1:9



I Biblija izjavinela deka „sarine gresinge thaj tane lisime tari slava Devlesi“ (Rimjanite 3:23).

Isto agar, izjavinela deka inam nemokna te izbegnina ili te odstranina amaro grevo (Eremija 13:23 , 2:22).

Ali O Devel tano spremno te oprostinel amenge o grevo. Nijek grevo nane odozom baro ili odozom uzasno so O Devel nane spremno te oprostibile (Isaija 1:18).

Postoinela samo jek uslov: Pokaiba.



Pokaiba:



Odloziba taro pokajba



Cacutno pokajba



O Glaso za pokajba



Oprostiba:



I Blagodat taro oprostiba



Uravde ko oprostiba



POKAJBA




ODLOZIBA TARO POKAJBA

„O Isus odgovoringa thaj vakerga: „Marto, Marto tu sikirineja tut thaj voznemirineja tut za but buka“ (Luka 10:41)


Ko ker taro Lazar, O Isus kerga lafi za vazna buka, taro vitalno znaciba za o spasenije. Ali, i Marta na sunga. Na inela vreme. Ine odozom but buka so trebinga te kerenpe! (Luka 10:40-41).



Isto slucinelape thaj amenge da. Keda ka gresina, a O Sveti Duh akarelamen ko pokajba, o beng ispolninelamen so aktivnost, sikiracije ili savo bilo javer odvleciba taro vnimanije so sprecinela amen te soocinamen so amari gresno situacija thaj te roda oprost.



Ali, O Devel na otkazinelape. Ov istrainela ko piro povik (Ezekiel 33:11). Ov sporedinela amare grevija melale sejencar (Isaija 64:6). Ov nudinela amenge zamenda: amare melale seja olese cistone sejencar (Zaharija 3:4), seja tovde rateja e Isuseso (Otkrovenije 7:14).



O CACUTNO POKAJBA

„Aven, te iranamen ko Devel! Ov rastrgninga men ko kotorja, ali ka izlecinel amen; kuvela amen, ali ka pandel amare rane.“ (Osija 6:1).

Soj tano o pokajba? Savi tani i razlika maskar ko vistinsko pokajba ili lazno pokajba (2 Korintjanite 7:10)?

O Pokajba javinelape keda o grevo akarela neposredna ili posledice kola na mangajalen. Odova tano o cuvstvo ki tuga adalese so odova so kergam na sikavgape sukar. Te na ovel ine negativna posledice, na ine te cuvstvuina tuga ko amare postapke. Akva NANE o vistinsko pokajba.

Keda o samoto keriba taro grevo tano odova so sozdainela tuga amende thaj dlaboko zelba te ovel amenge oprostime (bizo razlika dali ine negativna posledice ili na), amen dozivinaja o vistinsko pokajba.

Keda gresinaja, O Sveti Duh „cinavela amen“ thaj „raninela amen“ so dlaboko cuvstvo ki tuga. Ako odgovorinaja so vistinsko pokajba, O Devel lecinela amen, oprostibaja amenge o grevija (Osija 6:1).



O GLASO ZA POKAJBA

„Adalese pokainen tumen thaj iranen tumen ko Devel, za da te oven kosle tumare grevija, za da te avel o vreme taro osveziba taro liko Devleso.“ (Dela 3:19)

O Jovan Krstitel thaj O Isus pocminge pire sluzbe so isto poraka:
„Pokainen tumen“ (Matej 3:1-2 ; 4:17).

Sose tano vazno o pokajba? Sose bizo pokajba nane oprost taro grevija (Dela 2:38 ; 3:19). Sar slucinelape akava proces?



**Ko Oleso
sukaripe, O Devel
akarelamen ko
pokajba
(Rimjanite 2:4).**

Amen odgovorinaja ko Leso glaso

**O Devel oprostinela
amare grevija preku o
rat so O Isus dengala
ko krsto amenge
(Kolosjanite 1:13-14).**

**So iskreno tuga
za amare
grevija.**

**So iskreno
odluka te
iranamen taro
grevo.**

Zabelezinen deka o pokajba thaj o oprostiba uvek trebela te vodinen amen ci ki transformacija; ci ki promena e srceso so vodinela amen te cinava te gresina (Jovan 5:14).



OPROSTIBA



BLAGODAT TARO OPROSTIBA

„Bashi Tiro anav, Devla, oprostini mo grevo, iako tano baro“
(Psalam 25:11).



Nane nisto so prinudinela O Devel te oprostinel amenge. Nane nisto so saj te kera za da te zarabotina odova oprostiba. O Devel delamen proska tari blagodat; upro Olesi beskonecno Ljubov. Ov oprostinela adalese so ov tano „sukar thaj oprostibaja, izobilno ko Ljubov kon sarine so Povikuinena Ole“ (Psalam 86:5 dik ko Izlez 34:6-7).

Oleso Ljubov civgale te delpe korkori pes ko krsto thaj te platinel o dugo za ko grevo so amen nasti te platinale (Efesjanite 2:4-5).



Keda anaja amare grevija angla ko pre ko krsto, O Isus oslobodinela amen taro paripa so ofterecinela amen (Efreite 12:1-2).



BLAGODAT TARO OPROSTIBA

„Bashi Tiro anav, Devla, oprostini mo grevo, iako tano baro“
(Psalam 25:11).

Savi tani i vrska maskar ko grevo thaj blagodat ?

I VRSKA MASKAR O GREVO THAJ BLAGODAT

Rimjanite 5:8

„ci keda inamle panda gresna“

„O Hristos mulo amenge“

Rimjanite 5:20

„keda o grevo barilo“

„i blagodat izobilingape sa povise“

Rimjanite 5:21

„o grevo caruinga ko meriba“

„i blagodat neka caruinel ... za vecno zivoto“

Rimjanite 5:23

„i plata za ko grevo tano o meriba“

„o dato Devleso tano vecno zivoto“




URAVDE KO OPROSTIBA

„Thaj vakerga olese: „Amala, sar kuvgan akate bizo te uravetut bijavese seja? Ali ov ine bizo lafi“ (Matej 22:12)

E Devlesi Crka – thaj adalese sekova olako cleni – tano uravdo ko „FIN LEN, cisto thaj ko svetlo“, bizo damka ili brcko ili nesto slicno“ (Otkrovenije 19:8 – Efesjanite 5:27).


Akala FIN LEN tane simbol ko „pravedna delija taro sveta“ (Otkrovenije 19:8). Ali, akaja pravednost nane olengi, dendi olenge taro Hristos (Otkrovenije 7:14).



Keda gresinge, O Adam thaj I Eva ucarge piro telo so pire postapke. Ali, sepak, ola racuningepe pes korkori za nange angla Ko Devel (1 Mojseva 3:7-10). O Seja so O Devel obezbedinga olenge ine simbol, taro bijavese seja“ so delamen O Hristos: Olesi sovrsimi pravednost so ucarela amare grevija (1 Mojseva 3:21 ; Psalam 51:7-10).



Nikoj nane te cal ko raj bizo akala seja (Matej 22:1-14).



„Sekova kova mangela te ovel Devleso cavo, mora te prifatinel o vistinsko uciba deka o pokajba thaj o oprostiba trebela te dobinenpe samo preku E Hristoso iskupiba. Uverimo ko odova, o gresniko mora te streminelpe, ki harmonija so delo soj tano izvrsimo za olese, thaj so neprestano molba, te priblizinelpe ci ko prestol tari blagodat, za da saj i obnovuvacko sila Devlesi te dostigninel olesi dusa. O Hristos oprostanela samo e pokajimenge, ali prvo civelale okolese kolese oprostinelape te pokainelpe. I kerdi podgotovka tani celosno, a i vecno pravednost Hristosi pripisinelape za sekoja dusa so veruinela. O Spapocena thaj besprekorna seja, istaknime taro nebesno razboj, tane obezbedime za o pokajimo thaj gresniko so veruinela.“